



Ataatassarsiuinermik suliat

Angajoqqaat ilisimanissaat meeqqamut pingaaruteqarpoq.
Eqqartuussisoqarfik meeqqanut katisimangitsunik angajoqqaarlutik
inunngortartunut tamanut ataataassarsiuinermik suliamik suliaqartarpoq.

| Kalaallit Nunaanni Eqqartuussiviit |

SULIAQ QANOQ AALLARTITTARPA?

Ataatassarsiuineq juumuumi aallartittarpoq. Taassuma anaanaasumut ilisimatitsissutigeqqusarpaa kina meeqqap ataatagineraa. Meeraq inunngoreeraangat juumuup suliaq politiinut ingerlateqqittarpaa. Politiit angutit, anaanaasup ataataasinnaasutut taasimasai, oqaloqatigissavaat. Tamatuma kingorna suliaq eqqartuussisoqarfimmut nassiunneqartarpoq.

Angutit ilaat, politiit attavigisaat, meeqqamut ataataalluni akuersaarpat suliaq eqqartuussisoqarfimmi naammassipallassinnaaassaaq.

Ataataasinnaasut arlaliuppata imaluunniit ataataassutsimut akuersaartoqanngippat, eqqartuussisoqarfiup paasiniartussaavaa kina meeqqamut ataataansoq. Meeraq, anaanaasoq ataataasinnaasullu DNA-siorneqareerpata Eqqartuussisoqarfik aalajangiissaaq.

SULIAP INGERLANNEQARNERA

Meeqqap qanga naartorineqalersimasinnaanera pillugu Eqqartuussisoqarfik Nakorsaaneqarfimmiit ilisimatinneqareerpata anaanaasoq oqaloqatigiinnissamut aggersarneqassaaq.

Oqaloqatigiinneq matut matoqqatillugit ingerlanneqassaaq, taamaalilluni anaanaasoq qanoq oqaluttuarnersoq allanit paasineqassanngilaq, Anaanaasoq kikkunik piffissami meeqqap naartorineqalerfiani atoqateqarsimanerminik oqaluttuaqquneqassaaq.

Meeqqap ataatami kinaaneranik ilisimasaqarnissaa meeqqamut pingaaruteqarpoq. Taamaattumik anaanaasup angutunik, meeqqamut ataataasinnaasunik tamanik, ilisimatitsissuteqarnissaa pingaaruteqarpoq.

Anaanaasoq aamma aperineqassaaq akilersuititsiserusunnersoq. Akilersuutit pillugit quppersakkami tamanna paasisaqarfiginerusinnaavat.

Eqqartuussisoqarfiup angutit, anaanaasup oqaloqatigiinnermi taasimasai, aggersassavai. Angutit tamarmik immikkut suliamik suliaqartoq oqaloqatigissavaat. Angutunik oqaloqateqarneq aamma matut matoqqatillugit ingerlanneqassaaq, taamaalilluni inuit, eqqartuussisoqarfimmi suliamik suliaqartut, oqaloqatigiinnermi oqaatigineqarsimasunik allanut oqaluttuaqqusaanngillat.

Oqaloqatigiinnerup kingorna anaanaasoq angutillu, meeqqamut ataataasinnaasut, immersugassamik atsiugaqassapput, Immersugassaaq taanna aaversittunik kinaassusersiinissamut atorneqassaaq.

Angajoqqaat ilisimanissaat meeqqamut pingaaruteqarpoq. Taamaattumik anaanaasup angutininik, meeqqamut ataataasinnaasunik, tamanik ilisimatitsissuteqarnissaa pingaaruteqarpoq.

Aamma angutit, meeqqamut ataataasinnaasut, eqqartuussisoqarfimmi oqaloqatigiinnermut takkunnissaat aaversinnissaallu pingaaruteqarpoq.

Aaversikkiartunngikkaanni imaluunniit eqqartuussisoqarfimmi oqaloqatigiinnissamut siullermut takkutinnngikkaanni politiinit aatittoqartarpoq.

AAVERSINNERIT

Anaanaasooq, meeraq angutillu, meeqqamut ataataasinnaasut, pinngitsooratik aaversittussaapput. Aaversinneq taanna DNA-siuilluni misissuinissamut atorneqassaaq, tamatumanngalu takutinneqassaaq angutit misissorneqartut ilaat meeqqamut ataataansooq.

Napparsimmaviup anaanaasooq angutillu aaversikkiartoqqussavai. Arlaat takkutinnngippat napparsimmaviup eqqartuussisoqarfik attavigissavaa. Aaversikkiartorluni napparsimmaviliannngitsoq politiinit tigusarineqartarpoq napparsimmavimmullu aaversikkiartortinneqartarluni.

SULIAP INAARNEQARNERA

Napparsimmaviup aaversinnerit Danmarkimut nassitutissavai, Retsgenetisk Institutimi DNA-siuneq ingerlanneqartarpoq.

Eqqartuussisoqarfiup DNA-siuinerit inernerit tiguppagit anaanaasooq oqaloqatigeeqqinnissamut aggersarneqassaaq. Misissuinernit takutinneqarpat angutit arlaat meeqqamut ataataasooq taava taanna aamma aggersarneqassaaq. Ataataassuseq DNA-siuilluni misissuinernit takutinneqaraangat ataataasup ataataassutsini amerlanertigut akuersaartarpaa.

Angutit, meeqqamut ataataasinnaannngitsut, eqqartuussisoqarfimmiit allagarsitinneqassapput.

Angajoqqaat tamarmik marluullutik meeqqamut pilersuisussaataapput. Angajoqqaat arlaat meeqqamut akiliuteqartannngippat eqqartuussisoqarfiup aalajangersinnaavaa angajoqqaat akilersuissasooq. Eqqartuussisoqarfik angajoqqaat arlaata akilersuinissaanik aalajangeereerpat kommunip akilersuutit angajoqqaamut, meeqqap najugaanut, tunniussinnaavai. Taava kommunip akilersuutit angajoqqaamut, meeqqap najugarinngisaanut, akileqqussavai.

Angajoqqaat meeraq inunngortinnagu qaammatit kingulliit qulit iluini najugaqatigiissimagunik ataatsimut angajoqqaatut oqartussaassuseqaqatigiipput. Angajoqqaat meeraq inunngortinnagu qaammatit qulit kingulliit iluini najugaqatigiissimanngippata anaanaasoq kisimi angajoqqaatut oqartussaassuseqartuuvoq.

Ataatassarsiuinerup kingorna ataataasup angajoqqaatut oqartussaassuseqarnissani imaluunniit meeqqamik najorteqartarnissani noqqaassutigisinnaavaa. Paasisaqarnerusinnaavutit angajoqqaatut oqartussaassuseq pillugu quppersakkami imaluunniit nittartakkatsinni: www.eqqartuussivik.gl

ATTAVEQARFISSAQ

Arlaannik nalornissuteqaruit imaluunniit ilitsersorneqartariaqaruit paasisutissat amerlanerit uani takusinnaavatit: www.eqqartuussivik.gl imaluunniit eqqartuussisoqarfik sianerfigisinnaavat: 36 38 00